

續資治通鑑長編
(136冊)



續資治通鑑長編卷三百十六

宋 李燾 撰

神宗

元豐四年九月甲申朔知鎮戎軍种諤言興靈州等處多舊漢人皆元昊所擄致者常有思漢之心乞明降指揮言梁氏殘害其主使眾心解離如有首領來歸特與官爵詔送高遵裕降勅榜二十道付熙河都大經制司令廣募閒人傳示賊界 李憲言已遣使臣史誠齋書與果莊約會兵之所仍伺蕃兵所向

乙酉上批陝西河東用兵雖已有漏泄禁約近多已傳達委曲至河北緣邊州軍顯是方今預事文武官以私書漏露其事其令河東陝西諸路轉運經略等司遍約

束轄下文武官不得與河北及四方親識通書說邊事

若有彰露當械送下獄終身廢棄熙河路經略司言

董戢首領李察勒沁等入貢稱董戢遣首領洛施軍篤

喬阿公及親兵首領抹征遵等以七月辛丑部三萬餘

人赴黨龍耳江筏南及隴朱珂諾等處擊夏國七月辛丑十六

是日李憲入蘭州是日乙酉九月二日也據丙申

係之乙未舊紀誤也新紀云乙酉熙河經制李憲復蘭州

丙戌澶州言浮橋壞十二月戊辰繫橋畢郵延路轉運司言乞候

出界專責總領兵官照應防護糧草詔兵與糧相須一

體令常相依附權發遣環慶路經略安撫司高遵裕乞

詔緣邊諸路毋得妄稱西賊犯境多務殺戮恐致生羌

驚疑有誤招納詔劄下送王中正种諤言涇原路經

略司申明全師出境境內卻以何軍兵爲備臣詳朝廷
先遣徐禧於諸路措置所定防守人數以義勇保甲及
諸軍年高人及不隸將兵代少壯兵出戰自當依詳法
式詔涇原路經略司依此施行 降知江甯府龍圖閣
直學士朝奉大夫劉庠一官知滁州坐所舉人犯賊也
丁亥都大經制瀘州蠻賊林廣言梓州路轉運司官程
之才對獄董鉞除名兵行在近界首事務未有官管勾
詔權發遣提舉常平等事江衍兼權轉運判官苗時中
隨軍 詔河北緣邊安撫司指揮轄下自今諜報事毋
得申大名府路安撫司 詔熙河路都大經制司已出
兵破西賊慮賊併兵一路以拒官軍令王中正高遵裕
移節制兵馬近邊下寨以牽制賊勢如行軍庶事已就

緒卽相度乘機進討不須拘以原定日期仍具節次以

聞洛苑使苗履左侍禁寄班祇候李宇爲入西番撫

諭使副各遷一官新紀丁亥敗夏人于西市與乙酉李

今于丁亥日不書此舊紀亦係西市新城之捷在丁亥今並不取

戊子詔涇原趨興靈道路便近川原寬闊易得水草令

高遵裕領環慶路兵合涇原之師結爲大陣取涇原路

進討仍令盧秉應分戰守兵並聽遵裕處分乘時帥

熙河路都大經制司以西市新城之捷聞捷在九月二十三日

詔李憲方官軍未出境之際內外莫不以夏羌鋒銳爲

憂深虞王師艱於萬全取勝及今首逢堅屯而能一鼓

蕩散自非將帥有略曷以臻此然漢蕃士卒勇於赴敵

所宜加勞可更切率勵兵眾以虞賊庭聞此沮敗併力

來拒我師

客省副使謝麟知誠州

據沅州題名記麟

知沅州元豐四年十月移辰州五年三月還沅州恐實錄此書誠州或是辰州當考史亦稱九月以謝麟知誠州

己丑新知滑州朝請大夫周革乞出京師錢三二十萬
緡修滑州橋及城於開封府界京西河北三路差兵詔
昨曹村河決值北使至已常於白馬權繫橋專委將作
監絕不費力今滑州修繫工力宜與前役不殊今周革
陳乞事目甚多滋張必難委以辦事可差降授朝請郎
俞希旦知滑州革依舊知陳州 措置麟府路軍馬司
言覘知夏人集兵麟州境上多防托兵數倍望速下王
克臣於近裏更選兵一萬以助兵勢及种諤出界戰士
賞功乞早施行并李浦攻細浮圖恐避傷中數多不盡

以聞乞下本路考實推賞從之

郵延路經略使沈括

言與种諤議所留兩將兵遣一將出界留一將及先留畸零兵以守疆場從之

庚寅詔熙河路都大經制司言已進兵深入賊界後繼別無聲援令胡宗哲於見在熙河路未出界將兵發兩將由乾州路入照應援助

甲午上以疾不御殿

乙未御垂拱殿

初朝廷以敕榜招乞弟

八月一日降敕榜

尋

詔今師期在近若分兵進討慮乞弟驚疑不出

八月七日詔

令林廣密相度止留兵五七千選將總領防托邊界如乞弟決不降徐行討捕所有林廣彭孫并其餘軍皆追回如此於邊防有無不便具以聞林廣既得敕榜復遣

史利言抵乞弟巢穴付之乞弟約秋盡來降於是廣言
臣密計若委一兩將留六千兵防托瀘州同本路轉運
鈐轄司議徐行討捕詔所奏不行令依前後累降指揮
李憲言八月庚辰駐兵女遮谷遣漢蕃將士襲擊餘
黨於山谷間斬百級獲馬牛孳畜甚眾降龕波給家等
二十二族首領凡千九百餘戶已剪髮刺手給歸順旗
及錦袍銀帶賜物又言大軍過龕谷川秉常僭號御莊
之地極有害積及賊壘一所城甚堅完無人戍守惟有
弓箭鐵杵極多已遣逐軍副將分兵發窖取穀及防城
弓箭之類詔陝西諸路轉運司今軍興常管設兵將
用樂其有事合商議者許赴有樂筵會

丙申措置麟府路軍馬司言起兵出界河外闕官已遣

高遵一赴府州防守乞下太原府施行從之熙河路都大經制司言九月乙酉收復蘭州蘭州古城東西約六百餘步南北約三百餘步大兵自西市新城約百五十餘里將至金城有天澗五六重僅通人馬自夏賊敗衄之後所至部族皆降附今招納已多若不築城無以固降羌之心見築蘭州城及通過堡已遣前軍副將苗履中軍副將王文郁都大管勾修築前軍將李浩專提舉李憲又言乞建蘭州爲帥府以鎮洮爲列郡以浩爲熙河蘭會路安撫副使兼知蘭州王文郁苗履爲本路鈐轄牽復趙濟令兼熙河秦鳳兩路財利事應副軍須並從之其蘭州令李憲據軍前事力且粗修完爲駐兵之所毋令過有費用俟王師撫定河南諸郡別議措置

趙濟與通直郎權管勾熙河路轉運司李浩王文郁苗履令權領所乞職任候行營東上日留固根本其李浩以次須佐事之人亦卽軍前權選委勾當

乙酉九月二日

戊戌詔鄜延路近奏西賊遺書於境上有侮慢之言料賊意以點集屯聚已久利在速戰冀取僥倖其令諸將審察賊謀務在審重勿因忿妄舉

手詔陝西河東次

邊近裏州縣比白議兵之初朝廷使選擇守令者不惟欲供辦軍須與轉漕之官協力蓋以部內兵民一朝悉發遠從征討則肅察姦究綏靖鄉廬乃所責任可以朝廷之意丁寧申諭俾各遵守苟能於兵夫未還之間警察賊盜特爲希少鎮拊部民各獲居安當議旌褒顯擢職任

李憲言準朝命爲致賊之計見城蘭州內所以

自固外不妨致敵兼已精選漢蕃勁兵五七千騎謀趨巢穴恐昧事機乞申訓誡以敕不至詔憲今官軍旣城亭郭外繫其手足又爲戰棧內衝其腹心謀攻之術盡於是矣惟亟爲之乃善

己亥宰臣王珪上國朝會要三百卷仁宗時修會要自建隆至慶厯四年一百五十卷熙甯初珪請續之凡十二年乃成止熙甯十年通舊增損成三百卷於是編修官宣德郎李得芻遷一官知甘泉縣陳知彥循兩資管勾內臣劉惟簡李友詢馮仲禮各賜銀絹

兩紀並書王珪上國朝會

要

詔沈括官軍非久出界管下名山靈祠當申禱告

今降封香五合括可躬爲祝文精虔分命官致禱訖奏鄜延路經略司言鈐轄曲珍等入西界應接投降首

領及與邀截降人西賊鬪敵斬獲首級詔曲珍等遷官
減磨勘年賜帛有差

种諤乞計置濟渡橋棧椽木令

轉運司發步乘運入西界詔凡出兵深入賊境其濟渡
之備軍中自有過索渾脫之類未聞千里運木隨軍今
諤計置材木萬數不少如何令轉運司應副步乘縱使
可以應副亦先自困令种諤如將及河造棧賊界屋並
可毀拆或斬林木相兼用之如更不足以至槍排皆可
濟渡上坐制兵閒利害細微皆得其要諸將奉行惟恐
不及也

上坐制兵閒利害等語
朱本增入新本因之

上批朝廷見委官專

經制瀘南蠻賊其措置軍馬經略敵情委之經制司其
計辦軍食金銀穀什物委之轉運司兩司所任各有專
責轉運提點刑獄司累有騰奏侵越分守未欲劾罪自

今非本職事不得輒受官司申報 詔近令王克臣續

發兵一萬與王中正今奏才及千八百餘人勘會熙河

兵自出界其熙河秦鳳寨柵並無賊侵犯緣大兵已前

進卽包裹逐路城寨皆在腹裏豈有賊兵犇衝之理不

須多留戍兵令克臣安心處置毋自驚惶惟與北界鄰

接地不可減外其他州悉發以赴軍期毋得闕誤

庚子詔朝奉大夫寶文閣待制知成德軍章衡落職守

本官提舉洞霄宮坐縱指使回易公帑及親昵小吏御

史朱服言其醜跡下本路體量得實也舊紀書章衡故

帑落寶文閣待制提舉洞霄宮李憲言見議選將領兵照應修西使

城俟船棧稍具卽募敢死之士選漢蕃勁騎五七千謀

趨巢穴況蘭州駐兵之所可粗修完留兵將守之詔今

諸路兵朝夕出直趨興靈平蕩夏城兼累據董戩蕃字
亦稱往靈州破賊憲奏乃欲俟船棧具選五七千騎往
彼卽未說全軍前進其令李憲等乘此期會協力深入
撲滅巢穴若赴興靈道路阻遠卽令全軍過河攻取涼
州不得止遣偏裨以往仍降雜色戰袍勒巾百副銀纏
桿槍五十條皆白釐牛尾纓紬付憲充獎激賜行營漢
蕃戰士破賊有功及新附降人得力者 高遵裕乞兩
路進兵攻討上批遵裕懇奏乞與涇原分兵出界今師
期甚邇必處分不及中書樞密院可審議劉昌祚可與
不可使爲一道主帥舍之當如何更爲措置以聞遂詔
許遵裕分路出界上批涇原兵力不逮他路邊面廣闊
近累據劉昌祚奏請多不中理慮難當一道帥領況涇

原已隸高遵裕節制自合首尾相應以圖萬全其令知
環州張守約往代昌祚令昌祚赴遵裕麾下 鄜延路

轉運司言已差左藏庫使英州刺史鄜延路鈐轄兼第

三副將劉紹能權河中府都監初鄜延路經略司言體

量紹能出界擒獲西賊問知點集人馬即引兵還蕃兵

獲一首級紹能言是其舅以物裹首不肯保明功賞慮

別貯姦謀不可使將兵又蕃官殿直郝守素等使吃多

理入西界呼舅小盧浪等及謂山嚶云我受文字相殺

爾往說爾兄子等令夏人遠徙恐殺我親故事與前報

頗符合詔令沈括付管押軍器內臣周珪同本路走馬

承受霍丙押赴闕繫御史臺獄聽旨 紹能卒無它二月

略司云五年四月三日乃遣字文昌 十八日鄜延經
齡往麟州置獄六年正月十三日獄決 沈括言西賊

聚兵各在本路對境慮大兵旣入境賊乘虛寇襲卽乞
令監司或以次官權州事臣以經略都總管司職事領
在城兵往照應從之 權判都水監李立之言北京南
樂館陶宗城魏縣淺口永濟延安鎮瀛州景城鎮在大
河兩隄之間乞令轉運司相度遷于隄外其小吳決口
以下兩岸修隄計工不少河清兵止有千餘人乞于南
北兩丞地分客軍存留五十人更不放凍均與新立隄
埽興修隄道依例月支錢二百從之

辛丑上批勾當御藥梁從政可遷七資以推鞠韓存寶
獄故也 詔累據林廣瀘州管下監寨覘乞弟多汗漫
不實朝廷別無處分緣急遞文書須朝廷急切欲見者
不可以常事虛勞人力仰林廣自今凡有牒報須事干